

Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության Սյունիքի մարզի Քաջարանի համայնքապետարանը հայտարարում է մրցույթ՝ համայնքային ոչ առևտրային կազմակերպությունների տնօրենների հետևյալ թափուր պաշտոնները զբաղեցնելու համար.

1. ՀՀ Սյունիքի մարզի «Քաջարանի թիվ 2 մսուր մանկապարտեզ» համայնքային ոչ առևտրային կազմակերպության տնօրեն .

Կազմակերպության գտնվելու վայրը՝ ՀՀ Սյունիքի մարզ, ք. Քաջարան, Վ. Տերյան 6

Աշխատավարձի չափը՝ 545000 (հինգ հարյուր քառասունհինգ հազար) ՀՀ դրամ:

2. ՀՀ Սյունիքի մարզի «Քաջարանի թիվ 3 մսուր մանկապարտեզ» համայնքային ոչ առևտրային կազմակերպության տնօրեն .

Կազմակերպության գտնվելու վայրը՝ ՀՀ Սյունիքի մարզ, ք. Քաջարան, Ե. Չարենցի 7
Աշխատավարձի չափը՝ 545000 (հինգ հարյուր քառասունհինգ հազար) ՀՀ դրամ:

3. ՀՀ Սյունիքի մարզի «Քաջարանի մշակույթի պալատ» համայնքային ոչ առևտրային կազմակերպության տնօրեն

Կազմակերպության գտնվելու վայրը՝ ՀՀ Սյունիքի մարզ, ք. Քաջարան, Լեոնազործների 2
Աշխատավարձի չափը՝ 545000 (հինգ հարյուր քառասունհինգ հազար) ՀՀ դրամ:

Մրցույթին մասնակցելու իրավունք ունեն տվյալ պաշտոնը զբաղեցնելու համար ներկայացվող պահանջները բավարարող Հայաստանի Հանրապետության այն գործունակ չափահաս քաղաքացիները, ովքեր ունեն՝

1) բարձրագույն կրթություն

2) Հանրային ծառայության առնվազն չորս տարվա ստաժ կամ առնվազն հինգ տարվա մասնագիտական աշխատանքային ստաժ կամ համապատասխան բնագավառի առնվազն երեք տարվա աշխատանքային ստաժ

3) վերջին տասը տարվա ընթացքում մանկավարժական աշխատանքի կամ հանրային ծառայության ոլորտի առնվազն հինգ տարվա ընդհանուր աշխատանքային ստաժ

4) «Նախադպրոցական կրթության մասին» Հայաստանի Հանրապետության օրենքի 19-րդ հոդվածով նախատեսված կրթության պետական կառավարման լիազորված մարմնի սահմանած կարգով վերապատրաստված և նախադպրոցական ուսումնական հաստատության ղեկավարման իրավունք (հավաստագիր).

5) պարտականությունների կատարման համար անհրաժեշտ իրավական ակտերի իմացություն (Հայաստանի Հանրապետության Սահմանադրություն, Աշխատանքային օրենսդրության, համապատասխան ոլորտի Հայաստանի Հանրապետության օրենսդրություն, «Տեղական ինքնակառավարման մասին», «Գնումների մասին», «Պետական ոչ առևտրային կազմակերպությունների մասին» ՀՀ օրենքների և այլն):

Տնօրենի ընտրության լրացուցիչ պայմաններն են՝

1) տրամաբանելու և տարբեր իրավիճակներում կողմնորոշվելու ունակություն.

2) ֆինանսատնտեսական գործունեության իրականացման կարողություն.

3) համակարգչով և ժամանակակից այլ տեխնիկական միջոցներով աշխատելու ունակություն.

4) աշխատանքի կազմակերպման և ղեկավարման անհրաժեշտ հմտություններ.

5) ենթակաների հետ վարվելու անհրաժեշտ էթիկայի կանոնների իմացություն.

6) առնվազն մեկ օտար լեզվի իմացություն:

Նշված թափուր պաշտոնների գործառույթներն են՝

- 1) իրականացնում է հաստատության ընթացիկ կառավարումը և ղեկավարումը, ուսումնադաստիարակչական, վարչատնտեսական աշխատանքները հաստատության կանոնադրության և այլ իրավական ակտերին համապատասխան:
- 2) որոշում է հաստատության գործունեության ռազմավարությունը, զարգացման նպատակներն ու խնդիրները, ընդունում որոշումներ այդ աշխատանքների ծրագրային պլանավորման համար:
- 3) ապահովում է Կրթության պետական կառավարման լիազորված մարմնի կողմից հաստատված կրթական ծրագրերի իրականացումը:
- 4) կրում է պատասխանատվություն կրթության որակի և բովանդակության, կրթական գործընթացի կազմակերպման, կրթական ծրագրերին համապատասխան՝ տարեկան ուսումնական ժամանակացույցի կազմման համար:
- 5) կրում է պատասխանատվություն ներքին կարգապահական կանոնների մշակման և ներդրման համար, սաների և աշխատողների իրավունքների և ազատության պահպանման համար:
- 6) ձևավորում է սաների տարիքային խմբերի համակազմը՝ հաստատության կանոնադրության և Կրթության պետական կառավարման լիազորված մարմնի սահմանած կարգի պահանջներին համապատասխան:
- 7) խրախուսում և խթանում է աշխատողների ստեղծագործական նախաձեռնությունը, աջակցում կոլեկտիվում բարենպաստ բարոյահոգեբանական մթնոլորտի ձևավորմանն ու պահպանմանը:
- 8) ստեղծում է անհրաժեշտ պայմաններ աշխատողների մասնագիտական զարգացման համար:
- 9) կազմակերպում է կրթական գործընթացի մեթոդական, նյութատեխնիկական հագեցվածության ապահովումը՝ սահմանված նորմատիվների պահանջներին համապատասխան:
- 10) ստեղծում է անհրաժեշտ պայմաններ աշխատողների մասնագիտական զարգացման համար:

Մրցույթը կկայանա 2026 թվականի փետրվարի 17-ին, ժամը 15:00-ին, Քաջարանի համայնքապետարանում (ք. Քաջարան, Լեռնագործների 4 հասցեում):

Թափուր պաշտոնների մրցույթին մասնակցելու համար քաղաքացիները Քաջարանի համայնքապետարանի աշխատակազմ են ներկայացնում՝

- 1) դիմում
- 2) մեկ լուսանկար՝ 3 X 4 սմ չափսի
- 3) քաղվածք աշխատանքային գրքույկից կամ տեղեկանք աշխատանքային գործունեության մասին
- 4) ինքնակենսագրություն:
- 5) անձնագրի կամ նույնականացման քարտի, բարձրագույն կրթությունը հավաստող փաստաթղթի, արական սեռի անձինք՝ նաև զինգրքույկի կամ դրան փոխարինող ժամանակավոր զորակոչային տեղամասին կցագրման վկայականի, նախադպրոցական ուսումնական հաստատության տնօրենի դեպքում հավաստագրի՝ բնօրինակները և պատճենները:
- 6) տեղեկանք՝ մշտական բնակության վայրից:
- 7) հրատարակված հոդվածների ցանկ կամ գիտական կոչումը հավաստող փաստաթղթեր (դրանց առկայության դեպքում):

Մրցույթն անցկացվում է երկու փուլով՝ թեստավորում և հարցազրույց, իսկ նախադպրոցական ուսումնական հաստատության տնօրենի մրցույթը անցկացվում է մեկ փուլով՝ հարցազրույցի միջոցով:

Մրցույթին մասնակցելու համար դիմած քաղաքացին փաստաթղթերը ներկայացնում է անձամբ՝ անձնագրով կամ անձը հաստատող այլ փաստաթղթով:

Փաստաթղթերն ընդունվում են ամեն օր ժամը 9:00-18:00-ն, բացի շաբաթ և կիրակի օրերին: Դիմումների ընդունման վերջնաժամկետն է՝ 2026 թվականի փետրվարի 5-ը մինչև ժամը 18:00-ը:

Մրցույթին մասնակցել ցանկացող քաղաքացիները տեղեկություններ կարող են ստանալ **azdarar.am** և **kajaran.am** կայքերից, ինչպես նաև կարող են դիմել Քաջարանի համայնքապետարանի աշխատակազմ (ք. Քաջարան, Լեռնագործների 4, հեռ. 094873797):

ՀԱՄԱՅՆՔԻ ՂԵԿԱՎԱՐ

ՄԱՆՎԵԼ ՓԱՐԱՄԱՉՅԱՆ